

obingnante summe geldis, daz wir yn denne die vor die gnante summe geldis czu losin gebin
sullen unde wollen, unde wanne er, sine erbin adir nachkomen marcgraffin czu Brandem-
burg die losunge zo an den gnanten slossin thun wollen, daz sullen sie uns Wilhelme
marcgraven unde uns Elizabeth marcgrafynnen adir unsers Wilhelms erbin eyn halb iar
5 czuvor verkundigen unde wissin lassin unde der gnante unser lieber swager, sine erbin
adir nachkomen marggrafen czu Brandenburg sullen uns denne ynnewendig demselbin
halbin iare, alz sie uns die losunge zo verkundigen worden, daz obingeschrebin gelt gancz
unde gar bezalen in unserm slosse czu Missin, unde wanne uns unser liebir swager
marcgrave Iost, sine erbin adir nachkomen marcgraven czu Brandenburg des vorgnanten
10 geldes gancz bezalt habin, so sullen unde wollin wir Wilhelm marcgrave unde Elizabeth
marcgraffinne ader unsers Wilhelms erbin dem vorgnanten marcgraven Ioste, synen erbin
adir nachkomen marcgraven czu Brandenburg die vorgnanten sloße mit iren czuge-
horungen von stund an wider inentwerten unde yn der lediglichin abetretin ane wider-
sprache unde an alles geferde. [2] Were ouch, daz wir Wilhelm czu den gnanten
15 slossin Saremund, Trebin unde Pocztam icht koufftin mit wissin unde willen des gnanten
unsers liebim swagers marcgraven Iosts adir waz wir kuntlichin daran vorbuwetin, daz
wir redelichin bewisin adir berechin mochtin, daz sal der gnante unser lieber swager, sine
erbin adir nachkomen marcgraven czu Brandenburg uns Wilhelm marcgraven, frauwin
Elizabeth marcgrafinnen adir unsers Wilhelms erbin ouch wider gebin unde bezalen
20 sampt mit der obingnanten summen geldis, wanne sie die losunge zo thun werden, ane
geverde. [3] Ouch so habin wir Wilhelm marcgrave vorgnant dem gnanten marcgraven
Ioste unserm liebim swager sulche gute unde fruntschafft getan, geschege daz wir abe-
gingen von todis wegin ane rechte libeserbin unde ouch die gnante frauwe Elizabeth unde
unser swager unser beider tod lebte, zo sullen die obingnanten sloße mit allen iren czu-
25 gehorungen an den gnanten unsern liebim swager marcgraffen Ioste lediglichin wider-
komen unde gefallen ane hinderniße unde an allis geverde. [4] Were ouch, daz der
gnante unser liebim swager marcgrave Iost abeinge von todes wegin ane rechte libes-
erbin, so sullen syne erbin unde nachkomen margrafin czu Brandenburg die obin-
geschriben sloße von uns Wilhelme marcgraven, frauwin Elizabeth marcgrafinnen adir
30 von unsers Wilhelms erbin vor die obingnanten summe geldes wider lösin. Dez czu
orkunde habin wir unser insigel wissintlichin an disen brieff lassin hengin, der gegeben
ist czu Berlin nach gotes geburte driczen hundert iar darnach in dem nuyn unde nuyn-
czigisten iare am nehsten durnstage vor unser liebim frauwin tage purificacionis.

225.

35

Gotha, 1399 Febr. 3.

Hdschr.: Gleichzeit. Abschr. Hauptstaatsarchiv Dresden Cop. 2 fol. 178^b.

Gedr.: v. Wangenheim Regesten u. Urkk. zur Gesch. des Geschlechts Wangenheim 2, 98 (mit falschem Datum Febr. 6).

Anm.: Korrigirt aus der Verpfändungsurkunde von 1395 Dez. 30 (Cod. dipl. Sax. IB. 1, 483 No. 636 Anm.); dieser bez. den früheren Verpfändungsurkunden entsprechen die Bestimmungen der nachstehenden Urkunde, soweit sie nicht mütgetheilt sind. — Am Schlusse: Litteram reversus habet dominus sigillatam ipsius Lodewici.

40